



## HALEKAĆ RĚKA

čo. 42

- a) so z někim intensiwnje košić
- b) cyłu nóc přehejsować
- c) wótře wołać, harować

Prawa je wotmołwa **c**.

*Halekać woznamjenja hawtować abo hewrjekać, potajkim wótře wołać.*

*Hustohdy to něchtó čini, kiž je alkohol pić abo hdyž je z druhimi w skupinje.*

### Takle móžeš tež prajić:

- hewrjekać, hawtować, haru čěrić, wołać, škrěćeć

### Příklady z rěčneho korpusa:

A tola bě w měsće čicho, samo z korčmow, hdžež hewak mužojo *halekachu*, njebě ani zynka słyšeć. (Jurij Wjela, Pětr z Přišec. Budyšin 1968)

Jedne předstajenje w tydženju. W korčmje. A hdyž so Fleißerej nochcyše, twjerdžeše wón, młodostni *halekaja*, a kónc běše z předstajenjom. (Angela Stachowa, Vineta. Budyšin 1983)

*Halekajo čěrješe šwita džěci k wozej, a wćipni wobhladowachmy sej jón ze wšěch stron.* (Pawoł Grojlich, Na wsy a za wsu. Budyšin 1962)